



Broj: 07-11-702/21  
Vogošća, 04.06.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 04.06.2021. godine donio je

**ODLUKU**  
**O IZBORU NAJPOVOLJNIJEG PONUĐAČA ZA PRUŽANJE USLUGE OBAVLJANJA**  
**STRUČNOG NADZORA NAD IZVOĐENJEM RADOVA NA VODOVODNOJ I**  
**KANALIZACIONOJ MREŽI, UREĐENJU RIJEČNIH KORITA I HITNIM INTERVENCIJAMA**  
**NA PODRUČJU OPĆINE VOGOŠĆA, ZA PERIOD 2021-2023. GODINA**

**Član 1.**

Ponuda ponuđača "Radis" d.o.o. Istočno Sarajevo, ulica Jovana Dučića broj 16. Istočno Sarajevo, odabrana je pružanje usluge obavljanja stručnog nadzora nad izvođenjem radova na vodovodnoj i kanalizacionoj mreži, uređenju riječnih korita i hitnim intervencijama na području općine Vogošća, za period 2021-2023. godina, kao prvoplasirana na Rang listi, sa ponuđenom ukupnom cijenom nabavke u iznosu od 13.328,94 KM bez uračunatog PDV-a, odnosno 15.594,86 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 05.05.2021. godine donio Odluku o pokretanju Otvorenog postupka nabavke usluge obavljanja stručnog nadzora nad izvođenjem radova na vodovodnoj i kanalizacionoj mreži, uređenju riječnih korita i hitnim intervencijama na području općine Vogošća, za period 2021-2023. godina, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 05.05.2021. godine pod brojem: 1353-1-2-64-3-60/21.

Sažetak Obavještenja o nabavci objavljen je u "Službenom glasniku BiH" broj: 28/21 od 07.05.2021. godine.

Tendersku dokumentaciju sa Portala javnih nabavki BiH je preuzelo 19 (devetnaest) ponuđača. Krajnji rok za dostavu ponuda bio je 26.05.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 26.05.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-702/21 iz maja 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 7 (sedam) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ipsa institut" d.o.o.Sarajevo	32.740,98	/	/	38.306,95
2	"Ibis" d.o.o. Zavidovići	34.817,42	/	/	40.736,38
3	"Radis" d.o.o. Istočno Sarajevo	13.328,94	/	/	15.594,86
4	"Higracon" d.o.o.Sarajevo	37.990,82	/	/	44.449,26
5	"Smajić-inženjering" d.o.o. Goražde	15.777,18	8%	14.515,01	16.982,56
6	"Hydro control" d.o.o. Sarajevo	41.839,76	/	/	48.952,52
7	"Sendo" d.o.o. Sarajevo	25.110,39	/	/	29.379,16

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Smajić-inženjering" d.o.o. Goražde ne ispunjava formalno-pravne uslove tražene Tenderskom dokumentacijom i to:

- Tačkom 8.1.4.TD je propisano da se Ponuda izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogući naknadno vađenje ili umetanje listova, osim garantnih dokumenata. Dijelovi ponude kao što su uzorci, katalogi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude. Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav 6. i 7. Uputstva za pripremu modela tenderske dokumentacije i ponuda.

Ponuđač "Smajić-inženjering" d.o.o. Goražde je propustio da numerise prve dvije stranice svoje ponude, tako da numeracija Ponude počinje tek sa stranicom broj 3. (stranica numerisana brojem jedan).

Komisija za javne nabavke smatra da je ponuđač "Smajić-inženjering" d.o.o. Goražde na ovaj način odstupio od jasno propisanog zahtjeva ugovornog organa iz TD, kao i relevantnih odredbi Uputstva za pripremu modela tenderske dokumentacije i ponuda kao podzakonskog akta.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Hydro control" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 8.1.4.TD je propisano da se Ponuda izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogući naknadno vađenje ili umetanje listova, osim garantnih dokumenata. Dijelovi ponude kao što su uzorci, katalozi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude. Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav 6. i 7. Uputstva za pripremu modela tenderske dokumentacije i ponuda.

Ponuđač "Hydro control" d.o.o. Sarajevo je propustio da numerise prve tri stranice svoje ponude, tako da numeracija Ponude počinje tek sa stranicom broj 4. (stranica numerisana brojem jedan).

Komisija za javne nabavke smatra da je ponuđač "Hydro control" d.o.o. Sarajevo na ovaj način odstupio od jasno propisanog zahtjeva ugovornog organa iz TD, kao i relevantnih odredbi Uputstva za pripremu modela tenderske dokumentacije i ponuda kao podzakonskog akta.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

III. Ponuda ponuđača "Sendo" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 9.9.1.TD je propisano da će ugovorni organ dostaviti na potpis izabranom ponuđaču prijedlog Okvirnog sporazuma, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Okvirnog sporazuma je uključen u Aneks 7. tenderske dokumentacije ("nacrt"). Ponuđač treba potpisati prijedlog Okvirnog sporazuma i popuniti sve dijelove koji su ostavljeni prazni (nacrt okvirnog sporazuma mora biti uredno popunjen, potpisan i ovjeren pečatom ponuđača).

Također, tačkom 8.4.1.TD je jasno propisano da se Ponuda izrađuje na način da čini cjelinu i ista mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke.

Ponuđač "Sendo" d.o.o. Sarajevo je u svojoj Ponudi (strana 25-28. Ponude) dostavio popunjen nacrt Okvirnog sporazuma-Aneks 7. Ponuđač je na strani 41. Ponude izvršio ispravke na način da je preko ranije upisane vrijednosti Okvirnog sporazuma-cifre upisao novu cifru, bez potpisa ponuđača i bez datuma izvršene ispravke.

Agencija za javne nabavke BiH u svom mišljenju broj: 04-02-1-4-2/19 od 07.01.2019. godine, a koje se odnosi na primjenu člana 18. stav 1. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) navodi da je ponuđač "dužan da pazi da ispravka bude vidljiva, npr. ispravku izvršiti vodoravnim precrtavanjem upisa u toj rubrici i unošenje ispravnog teksta u slobodni dio rubrike uz obavezno stavljanje datuma ispravke i potpisom ponuđača.

Potvrđivanje ispravke od strane ponuđača mora biti izvršeno potpisom ponuđača i datumom ispravke, u suprotnom, izgubio bi se smisao autentičnosti i vjerodostojnosti same ispravke".

Također, praksa Ureda za razmatranje žalbi BiH po pitanju ispravki greški bez potpisivanja i navođenja datuma kada je vršena ispravka, u Rješenjima broj:

- JN2-03-07-1-1261-8/16 od 12.01.2017. godine,

- JN2-01-07-1-803-8/17 od 18.01.2018. godine,
- JN2-02-07-1-628-6/17 od 01.02.2018. godine i
- JN2-02-07-1-520-7/17 od 02.04.2018. godine

je da su ispravke koje nisu potvrđene potpisom i datirane bile razlog za odbijanje ponuda kao neprihvatljivih.

Na osnovu iznesenog, a uz uvažavanje gore citiranog mišljenja Agencija za javne nabavke BiH kao i prakse Ureda za razmatranje žalbi BiH, Komisija za javne nabavke smatra da je ponuđač "Sendo" d.o.o. Sarajevo postupio suprotno odredbi člana 18. stav 1. Uputstva za pripremu modela tenderske dokumentacije i ponuda, te je stoga predmetna ponuda kao takva neprihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Ipsa institut" d.o.o. Sarajevo,
- "Ibis" d.o.o. Zavidovići,
- "Radis" d.o.o. Istočno Sarajevo i
- "Higracon" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon što je utvrđeno da je ukupna cijena ponude ponuđača "Radis" d.o.o. Istočno Sarajevo u iznosu od 13.328,94 KM bez uračunatog PDV-a neprirodno niska, odnosno da je za više od 20% niža od cijene drugorangirane prihvatljive ponude (32.740,98 KM) ponuđača "Ipsa institut" d.o.o. Sarajevo, Komisija za javne nabavke postupajući u skladu sa članom 66. Zakona o javnim nabavkama BiH ("Službeni glasnik BiH", broj 39/14) i u skladu sa odredbama člana 17. stav 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) je aktom broj: 07-11-702/21 od 01.06.2021. godine zatražila pojašnjenje neprirodno niske cijene ponude ponuđača "Radis" d.o.o. Istočno Sarajevo.

Ponuđač "Radis" d.o.o. Istočno Sarajevo je svojim aktom broj: 635-06/21 od 03.06.2021. godine dostavio obrazloženje neprirodno niske cijene koje je Komisija za javne nabavke nakon opsežnog razmatranja jednoglasno prihvatila i uvažila, jer je utvrđeno da je ponuđač dostavio uredno i detaljno obrazloženje razloga ponuđene cijene.

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH/Potvrde nadležnih entitetskih komora, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20), te će u svrhu poređenja ponuda umanjiti cijene domaćih ponuda za preferencijalni faktor od 30% u postupcima javnih nabavki kod kojih je objavljeno obavještenje o nabavci ili upućen poziv kandidatima/ponuđačima za postupke koji nemaju obavještenje o nabavci u periodu od 01.06.2020. do 01.06.2021. godine.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge obavljanja stručnog nadzora nad izvođenjem radova na vodovodnoj i kanalizacionoj mreži, uređenju riječnih korita i hitnim intervencijama na području općine Vogošća, za period 2021-2023. godina kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Radis" d.o.o. Istočno Sarajevo	13.328,94	/	/	15.594,86
2	"Ipsa institut" d.o.o.Sarajevo	32.740,98	/	/	38.306,95
3	"Ibis" d.o.o. Zavidovići	34.817,42	/	/	40.736,38
4	"Higracon" d.o.o.Sarajevo	37.990,82	/	/	44.449,26

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Radis" d.o.o. Istočno Sarajevo, za pružanje usluge obavljanja stručnog nadzora nad izvođenjem radova na vodovodnoj i kanalizacionoj mreži, uređenju riječnih korita i hitnim intervencijama na području općine Vogošća, za period 2021-2023. godina, kao prvoplasiranom na Rang listi, sa ponuđenom ukupnom cijenom nabavke u iznosu od 13.328,94 KM bez uračunatog PDV-a, odnosno 15.594,86 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

*Mirza Čutura*

Kontrolisala: Melisa Kršo

*Melisa Kršo*

Dostavljeno:

1. "Ipsa institut" d.o.o. Sarajevo
2. "Ibis" d.o.o. Zavidovići
3. "Radis" d.o.o. Istočno Sarajevo
4. "Higracon" d.o.o. Sarajevo
5. "Smajić-inženjering" d.o.o. Goražde
6. "Hydro control" d.o.o. Sarajevo
7. "Sendo" d.o.o. Sarajevo
8. Nadležnoj Službi
9. U dosije
10. a/a

033/276-355

032/866-469

057/343-136

033/718-285

smajicinzenjering@gmail.com

fariz.kulenovic@hydrocontrol.ba

033/649-244

